



Broj: 05-07-14-11194/09
Sarajevo, 15.12.2009. godine

PARLAMENTARNA SKUPŠTINA BOSNE I HERCEGOVINE
-PREDSTAVNIČKI DOM-
n/r Rifat Dolić, poslanik

PREDMET: Odgovor na poslaničko pitanje
- dostavlja se,

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 18.12.2009			
Organizaciona jedinica	Klasifikaciona oznaka	Redni broj	Broj priloga
01-50-1-15-60		60	09

Rifat Dolić poslanik u Predstavničkom domu Parlamentarne skupštine Bosne i Hercegovine na 60. sjednici Predstavničkog doma održanoj dana 16.09.2009. godine, postavio je Ministarstvu pravde Bosne i Hercegovine poslaničko pitanje koje glasi:

„Šta će Ministarstvo pravde i nadležne pravosudne institucije preduzeti nakon što se po šesti put, uz skandalozna obrazloženja osuđenom Hamdiji Abdiću zvanom Tigar, odlaže izvršenje kazne zatvora u trajanju od 2,5 godine za počinjeno krivično djelo nanošenja teških tjelesnih povreda i zlostavljanja građanina Bajić Nedžada iz Cazina?,,

Ministarstvo pravde Bosne i Hercegovine zatražilo je odgovor na postavljeno poslaničko pitanje od Općinskog suda u Bihaću pa se shodno dostavljenoj informaciji daje sljedeći

ODGOVOR

Osuđeni Abdić Hamdija zvani Tigar iz Bihaća, započeo je izdržavanje kazne zatvora dana 08.10.2009. godine u KPZ zatvorenog tipa u Zenici, a u Zavod je prinudno sproveden.

S poštovanjem,


MINISTAR
Bariša Čolak
Blokey

Prilog:
- akt Općinskog suda u Bihaću broj: 017-0-Su-09-000007 od 08.12.2009. godin

BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
OPĆINSKI SUD BIHAĆ
Broj: 017-0-Su-09-000007
Dana, 8.12.2009. god.

M150
MILANAP.
05
14.12.09
h

BOSNA I HERCEGOVINA
MINISTARSTVO PRAVDE
SARAJEVO

PRIMLJENO: 14-12-2009			
Organizacija jedin	Klasifikaciona oznaka	Redni broj	Broj priloga
05-07-15-11194/09			

MINISTARSTVO PRAVDE BIH

SARAJEVO

PREDMET: Odgovor u vezi poslaničkog pitanja

Ovaj sud je zaprimio akt Ministarstva pravde BiH Sarajevo br.05-07-14-11194/09 od 27.11.2009. god., kojim se traži odgovor na poslaničko pitanje Dolić Rifata koje je postavljeno na šezdesetoj sjednici Predstavničkog doma Parlamentarne skupštine BiH.

U odgovoru na postavljeno pitanje ističemo da je osudjeni Abdić Hamdija zv. „Tigar“ iz Bihaća, dana 8.10.2009. godine započeo izdržavanje kazne zatvora u KPZ zatvorenog tipa Zenica, a u koju Ustanovu je prinudno sproveden.

PREDSJEDNIK SUDA





BOSNA I HERCEGOVINA
VIJEĆE MINISTARA
Generalno tajništvo

Broj: 08-50-3946/09
Sarajevo, 7.1.2010. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 8.1.2010.			
Organizaciona jedinica	Klasifikaciona oznaka	Redni broj	Broj priloga
01-50-1-		15-60	09

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 110. sjednici održanoj 30.12.2009. godine, utvrdilo je Odgovor na zastupničko pitanje koje je Rifat Dolić, zastupnik u Zastupničkom domu Parlamentarne skupštine Bosne i Hercegovine, postavio na 60. sjednici ovog doma održanoj 16.9.2009. godine.

U privitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK—

Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-3946/09
Sarajevo, 30.12.2009. godine

Gospodin Rifat Dolić, poslanik u Predstavničkom domu Parlamentarne skupštine Bosne i Hercegovine, na 60. sjednici Predstavničkog doma, održanoj 16. 09. 2009. godine, postavio je Vijeću ministara BiH i Ministru za ljudska prava i izbjeglice BiH poslaničko pitanje sljedeće sadržine:

1. „Šta je Ministarstvo za ljudska prava i izbjeglice poduzelo, nakon saznanja da od strane općinske administracije nije uvažen i Skupštini opštine Kostajnica proslijeđen prijedlog za člana Komisije za odabir korisnika donacije ispred lokalnog Udruženja povratnika koju je ovo Udruženje uputilo 24. 12. 2008. godine, te zbog toga skupština nije mogla usvojiti Rješenje o izmjeni i dopuni rješenja o imenovanju Komisije za odabir korisnika, što je propisano Uputstvom o načinu i procedurama odabira korisnika projekata povratka i rekonstrukcije stambenih jedinica („Službeni glasnik BiH“, broj 48/06)? Obzirom da zbog ovakvog odnosa općinske administracije odobrena sredstva za obnovu stambenih jedinica povratnika u općinu Kostajnica nisu iskorištena, šta će poduzimati Ministarstvo i ministar i da li će i kada ova sredstva biti realizirana kako povratnici u općinu Kostajnica ne bi bili neopravdano kažnjeni zbog tuđih grešaka?“

Na postavljeno poslaničko pitanje, Vijeće ministara Bosne i Hercegovine, u smislu člana 37. Zakona o Vijeću ministara Bosne i Hercegovine („Službeni glasnik BiH“, broj 30/03, 42/03 i 81/06), na 110. sjednici održanoj 30. 12. 2009. godine, utvrdilo je sljedeći:

O D G O V O R

Ministarstvo za ljudska prava i izbjeglice BiH je 03. 03. 2009. godine zaprimilo upit od strane načelnika općine Kostajnica, gosp. Marka Čolića, kojim se traži mišljenje u vezi sa mogućnošću da općinska komisija nastavi sa radom, bez obzira na ostavku člana komisije, a da se rad komisije odvija nesmetano sve do imenovanja nove komisije od strane Skupštine opštine Kostajnica.

Ministarstvo je u odgovoru, kojeg je uputilo 11. 03. 2009. godine, podsjetilo na odredbe člana 30. i 31. Uputstva o načinu i procedurama odabira korisnika projekata povratka i rekonstrukcije stambenih jedinica („Službeni glasnik BiH“, broj 48/06), kojim se definira način rada i odlučivanja, te okvirnu sadržinu Poslovnika o radu općinskih komisija.

Sugerisali smo da općinska komisija nastavi sa radom, bez obzira na činjenicu podnošenja neopozive ostavke od strane jednog člana, sve dok monitor nema zamjerki na zakonito postupanje te komisije. Prema našim saznanjima, općinska komisija je nastavila sa radom, održala nekoliko sastanaka na kojima je utvrdila listu od 35 potencijalnih korisnika i istu dostavila Ministarstvu kako bi se lista pripremila za verifikaciju na sjednici državne Komisije za izbjeglice i raseljene osobe.

Cjelokupna aktivnost općinske komisije na odabiru korisnika okončana je do konca aprila 2009. godine. U žalbenom postupku razmatrani su prigovori 14 potencijalnih korisnika od kojih je jedna žalba uvažena, dok su ostale odbijene kao neosnovane. Važno je naglasiti da su odluke, izuzev u jednom slučaju, donesene jednoglasno.

I pored toga, a u namjeri da se isključe slučajevi netransparentne dodjele pomoći, donesena je odluka o formiranju mješovite komisije za analizu općinskih listi potencijalnih korisnika pomoći u okviru zajedničkog projekta „ZP08“, sa zadatkom da analizira i listu potencijalnih korisnika općine Kostajnica.

Nakon toga, liste su trebale biti razmatrane na sjednici državne Komisije za izbjeglice i raseljene osobe radi verifikacije istih. Obzirom da do sada lista potencijalnih korisnika pomoći za općinu Kostajnica nije verificirana, predložiti ćemo da to bude učinjeno na narednoj sjednici državne Komisije za izbjeglice i raseljene osobe, a sjednica je upravo u pripremi.